

四庫全書

集部

欽定四庫全書

集部

樂府雅詞卷上

詳校官編修_臣周瓊

侍讀_臣孫球覆勘

總校官庶吉士_臣朱鈴

校對官中書_臣吳甸華

謄錄監生_臣梁鳴岐

欽定四庫全書

集部十

樂府雅詞

詞曲類二 詞選之屬

提要

臣等謹案樂府雅詞五卷宋曾慥編慥字端伯晉江人官尚書郎直寶文閣奉祠閒居自號至游居士所輯類說已別著錄是編皆輯宋人之詞原有朱彞尊題詞謂陳氏書錄解題載曾端伯樂府雅詞一十二卷拾遺二卷

此本抄自上元焦氏止存三卷及拾遺殆非
足本然彛尊曝書亭集又載此書跋云繹其
自序稱三十有四家合三卷詞人為足本無
疑蓋此卷首原題當為彛尊初稿集所載乃
詳定之本也慥自序謂涉諧諠則去之當時
艷曲謬託歐公者悉刪除之則命曰雅詞具
有風旨非靡靡之音可比至於道宮薄媚西
子詞排徧之後有入破虛催袞徧催拍歇拍

煞袞諸名皆他本所罕載猶見宋人舊法不
獨九張機詞僅見於此是又足資詞家之攷
證矣乾隆四十四年七月恭校上

總纂官臣紀昀臣陸錫熊臣孫士毅

總校官臣陸費墀

--	--	--	--	--	--	--	--

樂府雅詞原序

予所藏名公長短句裒合成篇或後或先非有詮次多是
一家難分優劣涉諧謔則去之名曰樂府雅詞九重
傳出以冠於篇首諸公轉踏次之歐公一代儒宗風流
自命詞章幼眇世所矜式當時小人或作艷曲繆為公
詞今悉刪除凡三十有四家雖女流亦不廢此外又有
百餘闋平日膾炙人口咸不知姓名則類於卷末以俟
詢訪標目拾遺云紹興丙寅上元日溫陵曾慥引

欽定四庫全書

樂府雅詞卷上

宋 曾慥 編

調笑集句

蓋聞行樂須及良辰鍾情正在吾輩飛觴舉白目斷巫山之暮雲綴玉聯珠韻勝池塘之春草集古人之妙句助今日之清歡

珠流璧合暗連文月入千江體不分此曲只應天上有歌聲豈合世間聞

巫山

巫山高高十二峯雲想衣裳花想容欲往從之不憚遠
丹峯碧障深重重樓閣玲瓏五雲起美人娟娟隔秋水
江邊一望楚天長滿懷明月人千里

千里楚江水明月樓高愁獨倚井梧宮殿生秋意望
斷巫山十二雪肌花貌參差是朱閣五雲仙子

桃源

漁舟容易入春山別有天地非人間玉顏亭亭花下立

鬢亂釵橫特地寒留君不住君須去流水落花空相憶
相憶桃源路萬里蒼蒼烟水暮留君不住君須去秋
月春風閒度桃花零亂如紅雨人面不知何處

洛浦

艷陽灼灼河洛神態濃意遠淑且真入眼平生未曾有
緩步佯羞行玉塵凌波不過橫塘路風吹仙袂飄飄舉
來如春夢不多時天非花艷輕非霧

非霧花無語還似朝雲何處去凌波不過橫塘路鶯

鶯燕燕飛舞風吹仙袂飄飄舉擬倩遊絲惹住

明妃

明妃初出漢宮時青春綉服正相宜無端又被東風誤
故著尋常淡薄衣上馬即知無返日寒山一帶傷心碧
人生憔悴生理難好在邊城莫相憶

相憶無消息目斷遙天雲自白寒山一帶傷心碧風
土蕭疎他國長安不見浮雲隔縱使君來爭得

班女

九重春色醉仙桃
春嬌滿眼睡紅綃
同輦隨君侍君側
雲鬢花顏金步搖
一霎秋風驚畫扇
庭院蒼苔紅葉遍
藥珠宮裏舊承恩
回首何時復來見

來見藥宮殿
記得隨班迎鳳輦
餘花落盡蒼苔院
斜掩金鋪一片
千金買笑無方便
和淚盈盈嬌眼

文君

錦城絲管日紛紛
金釵半醉坐添春
相如正應居客右
當軒下馬入錦綰
斜倚綠窻駕鑑女
琴彈秋思明心素

心有靈犀一點通感君綢繆逐君去

君去逐駕侶斜倚綠窗鴛鴦鑑女琴彈秋思明心素一

寸還成千縷錦城春

缺文

缺

素枝瓊樹一枝春丹青難寫是精神偷啼自搵殘粧粉
不忍重看舊寫真珮玉鳴鸞罷歌舞錦瑟華年誰與度
暮雨瀟瀟郎不歸含情欲說獨無處

無處難輕訴錦瑟華年誰與度黃昏更下瀟瀟雨况

是青春將暮花雖無語鶯能語來道曾逢郎否

琵琶

十三學得琵琶成翡翠簾開雲母屏暮去朝來顏色故
夜半月高弦索鳴江水江花豈終極上下花間聲轉急
此恨綿綿無絕期江州司馬青衫濕

衫濕情何極上下花間聲轉急滿船明月蘆花白秋
水長天一色芳年未老時難得目斷遠空凝碧

放隊

玉爐夜起沉香烟喚起佳人舞繡筵去似朝雲無處覓
遊童陌上拾花鈿

調笑轉踏

鄭彥能

良辰易失信四者之難并佳客相逢實一時之盛事用
陳妙曲上助清歡女伴相將調笑入隊

秦樓有女字羅敷二十未滿十五餘金鐙約腕携籠去
攀枝摘葉城南隅使君春思如飛絮五馬徘徊芳草路
東風吹鬢不可親日晚蠶蠶饑欲歸去

歸去携籠女南陌柔桑三月暮使君春思如飛絮五
馬徘徊頻駐蠶饑日晚空留顧笑指秦樓歸去

石城女子名莫愁家住石城西渡頭拾翠每尋芳草路
採蓮時過綠蘋洲五陵豪客青樓上醉倒金壺待清唱
風高江濶白浪飛急催艇子操雙槳

雙槳小舟蕩喚取莫愁迎疊浪五陵豪客青樓上不
道風高江廣千金難買傾城樣那聽遶梁清唱

綉戶朱簾翠幕張主人置酒宴華堂相如年少多才調

消得文君暗斷腸
斷腸初認琴心挑
么絃暗寫相思調
從來萬曲不關心
此度傷心何草草

草草最年少
繡戶銀屏人窈窕
瑤琴暗寫相思調
一曲關心多少
臨邛客舍成都道
苦恨相逢不早

涇涇流水武陵溪
洞裏春長日月遲
紅英滿地無人埽
此度對郎去後
迷行行漸入清流
淺香風引到神仙館
瓊漿一飲覺身輕
玉砌雲房瑞烟暖

烟暖武陵晚
洞裡春長花爛漫
紅英滿地溪流淺
漸

聽雲中雞犬劉郎迷路香風遠悞到蓬萊仙館

少年錦帶佩吳鉤鐵馬追風塞草秋憑仗匣中三尺劍
廓清寰宇取封侯紅顏少婦桃花臉笑倚銀屏施寶靨
明眸妙齒起相迎青樓獨占陽春艷

春艷桃花臉笑倚銀屏施寶靨良人少有平羌膽歸
路光生弓劍青樓春永香幃掩獨把韶華都占

翠蓋銀鞍馮子都尋芳調笑酒家徒吳姬十五天桃色
巧笑春風當酒鑪玉壺絲絡臨朱戶結就羅裙表情素

紅裙不惜裂香羅區區私愛徒相慕

相慕酒家女巧笑明眸年十五當鑪春永尋芳去門
外落花飛絮銀鞍白馬金吾子多謝結裙情素

樓上青帘映綠楊江波千里對微茫潮平越賈催船發
酒熟吳姬喚客嘗吳姬綽約開金盞的的嬌波流美盼
秋風一曲采菱歌行雲不度人腸斷

腸斷浙江岸樓上青帘新酒軟吳姬綽約開金盞的
的嬌波流盼採菱歌罷行雲散望斷儂家心眼

花陰轉午漏頻移寶鴨飄簾綉幕垂看山斂黛雲堆髻
醉倚春風不自持偷眼劉郎年最少雲情雨態知多少
花前月下惱人腸不獨錢塘有蘇小

蘇小最嬌妙幾度樽前曾調笑雲情雨態知多少悔
恨相逢不早劉郎襟韻正年少風月今宵偏好

金翹斜鞞淡梳粧綽約天葩自在芳幾番欲奏陽關曲
淚濕春風眼尾長落花飛絮青門道濃愁不散連芳草
驂鸞乘鶴上蓬萊應笑行雲空夢悄

夢悄翠幃曉帳裡薰爐殘蠟照賞心樂事能多少忍
聽陽關聲調明朝門外長安道悵望王孫芳草

綽約妍姿號太真肌膚冰雪怯輕塵霞衣乍舉紅搖影
按出霓裳曲最新舞斜釵譚烏雲髮一點春心幽恨切
蓬萊雖說浪風輕翻恨明皇此時節

時節白銀闕洞裡春晴百和藝蘭心底事多悲切消
盡一團明雪明皇恩愛雲山絕誰道蓬萊安悅

江上新晴暮靄飛碧蘆紅蓼夕陽微富貴不牽漁父目

塵勞難染釣人衣
白鳥孤飛烟柳杪
採蓮越女清歌妙
脫呈金釧棹鳴榔
驚起鴛鴦歸調笑

調笑楚江渺
粉面脩眉花鬪好
擎荷折柳爭相調
驚起鴛鴦多少
漁歌齊唱催殘照
一葉歸舟輕小

千里潮平小渡邊
帘歌白紵絮飛天
蘇蘇不怕梅風軟
空遣春心著意憐
燕釵玉股橫青髮
怨說琵琶恨難說
擬將幽恨訴新愁
新愁未盡絲聲切

聲切恨難說
千里潮平春浪濶
梅風不解相思結
忍

送落花飛雪多才一去芳音絕更對珠簾新月

放隊

新詞宛轉遞相傳振袖傾鬟風露前月落烏啼雲雨散
游童陌上拾花鈿

調笑

晁無咎

益聞民俗殊方聲音異好洞庭九奏謂踴躍於魚龍子
夜四時亦欣愉於兒女欲識風謠之變請觀調笑之傳
上佐清歡深慙薄伎

西子

西子江頭自浣紗
見人不語入荷花
天然玉貌非朱粉
消得人看隘若耶
游冶誰家少年伴
三三五五垂楊岸
紫騮飛入亂紅深
見此踟躕但腸斷

腸斷越江岸
越女江頭沙
自浣天然玉貌鉛
紅淺自弄芙蓉日
晚紫騮嘶去猶回
盼笑入荷花不見

宋玉

楚人宋玉多微詞
出游白馬黃金羈
殷勤扣戶主人女

上客日高無乃饑琴彈秋思明心素女為客歌客無語
冠纓定掛翡翠釵心亂誰知歲將暮

將暮亂心素上客風流名重楚臨街下馬當窻戶飯
煮彫胡留住瑤瑟促軫傳深語萬曲梁塵不顧

大堤

妾家朱戶在橫塘青雲作髻月為璫常伴大堤諸女士
誰令花艷獨驚郎踏堤共唱襄陽樂軻戔大艚帆初落
宜城酒熟持勸郎郎今欲渡風波惡

波惡倚江閣大舩軻我帆夜落橫塘朱戶多行樂大
堤花容綽約宜城春酒郎同酌醉倒銀缸羅幕

解佩

當年二女出江濱容止光輝非世人明璫戲解贈行客
意比驂鸞天漢津恍如夢覺空江暮雲雨無蹤佩何處
君非玉斧望歸來流水桃花定相誤

相誤空凝佇鄭子江頭逢二女霞衣曳玉非塵土笑
解明璫輕付月從雲墮勞相慕自有驂鸞仙侶

回紋

竇家少婦美朱顏
藁砧何在山復山
多才況是天機巧
象牀玉手亂紅間
織成錦字縱橫說
萬語千言皆怨別
一絲一縷幾縈回
似妾思君腸寸結

寸結肝腸切
織錦機邊音韻咽
玉琴塵暗薰爐歇
望盡牀頭秋月
刀裁錦斷詩可滅
恨似連環難絕

唐歌兒

頭玉硤硤翠刷眉
杜郎生得好男兒
惟有東家嬌女識

骨重神寒天廟姿銀鸞照衫馬絲尾折花正值門前戲
儂笑書空意為誰分明唐字深心記

心記好心事玉刻容顏睂刷翠杜郎生得真男子況
是東家妖麗睂尖春恨難憑寄笑作空中唐字

春草

劉郎初見小樊時花面了頭年未笄千金欲置名春草
圖得身行步步隨郎去蘇臺雲水國青青滿地成輕擲
聞君車馬向江南應為春草遙相憶

相憶頓輕擲春草佳名慙贈璧長洲茂苑吳王國自
有芊綿碧色根生土長銅駝陌縱欲隨君爭得

九張機

醉留客者樂府之舊名九張機者才子之新調憑憂玉
之清歌寫擲梭之春怨章章寄恨句句言情恭對華筵
敢陳口號

一擲梭心一縷絲連連織就九張機從來巧思知多少
苦恨春風久不歸

一張機織梭光景去如飛
蘭房夜永愁無寐
嘔嘔軋軋織成春恨
留著待郎歸

兩張機月明人靜
漏聲稀
千絲萬縷相縈繫
織成一段迴紋錦
字將去寄呈伊

三張機中心有朶
耍花兒嬌紅嫩綠
春明媚君須早折
一枝濃艷
莫待過芳菲

四張機鴛鴦織就
欲雙飛
可憐未老頭先白
春波碧草曉寒深處
相對浴紅衣

五張機芳心密與巧心期合歡樹上連理枝雙頭花下
兩同心處一對化生兒

六張機雕花鋪錦半離披蘭房別有留春計爐添小篆
日長一線相對繡工遲

七張機春蠶吐盡一生絲莫教容易裁羅綺無端剪破
仙鸞彩鳳分作兩般衣

八張機纖纖玉手住無時蜀江濯盡春波媚香遺囊麝
花房繡被歸去意遲遲

九張機一心長在百花枝
百花共作紅堆被都將春色
藏頭裏面不怕睡多時

輕絲象牀玉手出新奇
千花萬草光凝碧裁縫衣
着春
天歌舞飛蝶語黃鸝

春衣素絲染就已堪悲
塵昏汙汙無顏色應同秋
扇從
茲永棄無復奉君時

歌聲飛落畫梁塵舞罷香
風捲繡茵更欲縷陳機上
恨
尊前忽有斷腸人

同前

一張機採桑陌上試春衣
風晴日暖慵無力
桃花枝上啼鶯言語不肯放人歸

兩張機行人立馬意遲遲
深心未忍輕分付
回頭一笑花間歸去只恐被花知

三張機吳蠶已老燕雛飛
東風宴罷長洲苑
輕綃催起館娃宮女要換舞時衣

四張機伊啞聲裏暗顫眉
回梭織朶垂蓮子
盤花易綰

愁心難整脉脉亂如絲

五張機橫紋織就沈郎詩中心一句無人會不言愁恨
不言憔悴只恁寄相思

六張機行行都是耍花兒花間更有雙蝴蝶停梭一向
閒窻影裏獨自看多時

七張機鴛鴦織就又遲疑只恐被人輕裁剪分飛兩處
一場離恨何計再相隨

八張機回紋知是阿誰詩織成一片淒涼意行行讀徧

厭厭無語不忍更尋思

九張機雙花雙葉又雙枝
薄情自古多離別從頭到底
將心縈繫穿過一條絲

道宮薄媚

西子詞

董穎

排遍第八

怒潮卷雪巍岫布雲越襟吳帶如斯有客經游月伴風
隨值盛世觀此江山美合放懷何事却興悲不為回頭
舊谷天涯為想前君事越王嫁禍獻西施吳即中深機

闔廬死有遺誓勾踐必誅夷吳未干戈出境倉卒越
兵投怒夫差鼎沸鯨鯢越遭勅敵可憐無計脫重圍歸
路茫然城郭丘墟飄泊稽山裏旅魂暗逐戰塵飛天日
慘無輝

排遍第九

自念平生英氣凌雲凜然萬里宣威那知此際熊虎塗
窮來伴麋鹿卑棲既甘臣妾猶不許何為計爭若都燔
寶器盡誅吾妻子徑將死戰決雌雄天意恐憐之偶

聞太宰正擅權貪賂市恩私因將寶玩獻誠雖脫霜戈
石室囚繫憂嗟又經時恨不如巢燕自由歸殘月朦朧
寒雨蕭蕭有血都成淚備嘗險厄返邦畿冤憤刻肝脾

第十擲

種陳謀謂吳兵正熾越勇難施破吳策惟妖姬有傾城
妙麗名稱西子歲方筭筭夫差惑此湏致顛危范蠡微
行珠貝為香餌苧蘿不釣釣深閨吞餌果殊資素肌
纖弱不勝羅綺鸞鏡畔粉面淡勻梨花一朵瓊壺裏媽

然意態嬌春寸眸剪水斜鬟鬆翠人無雙宜名動君王
綉履容易來登玉陛

八破第一

窄湘裙搖漢佩步步香風起歛雙蛾論時事蘭心巧會
君意殊珍異寶猶自朝臣未與妾何人被此隆恩雖令
効死奉嚴旨 隱約龍姿欣悅重把甘言說辭俊雅質
娉婷天教汝衆美兼備聞吳重色憑汝和親應為靖邊
陞將別金門俄揮粉泪靚粧洗

第二虛催

飛雲駛香車故國難回睇芳心漸搖迤邐吳都繁麗忠
臣子胥預知道為邦崇諫言先啟願勿容其至周亡褒
姒商傾妲己吳王却嫌胥逆耳纔經眼便深恩愛東
風暗綻嬌藥綵鸞翻妬伊得取次于飛共戲金屋看承
它宮盡廢

第三哀遍

華宴夕燈搖醉粉菑苕籠蟾桂揚翠袖含風舞輕妙處

驚鴻態分明是瑤臺瓊榭闌苑蓬壺景盡移此地花繞
仙步鶯隨管吹 寶帳煖留春百和馥郁融鴛被銀漏
永楚雲濃三竿日猶褪霞衣宿酲輕腕嗅宮花雙帶繫
合同心時波下比目深憐到恁

第四催拍

耳盈絲竹眼搖珠翠迷樂事宮闈內爭知漸國勢陵夷
姦臣獻佞轉恣奢淫天譴歲屢饑從此萬姓離心解體
越遣使陰窺虛實蚤夜營邊備兵未動子胥存雖堪

伐尚畏忠義斯人既戮又且嚴兵卷土赴黃池觀釁種
彘方云可矣

第五袞遍

機有神征輦一鼓萬馬襟禁地庭喋血誅留守憐屈服
歛兵還危如此當除禍本重結人心爭奈竟荒迷戰骨
方埋靈旗又指勢連敗柔荑携泣不忍相拋棄身在
兮心先死宵奔兮兵已前圍謀窮計盡唳鶴啼猿聞處
分外悲丹穴縱近誰容再歸

第六歇拍

哀誠屢吐角東分賜垂暮日置荒隅心知愧寶鏐紅委
鸞存鳳去辜負恩憐情不似虞姬尚望論功榮還故里
降令曰吳亡赦汝越與吳何異吳正怨越方疑縱公
論合去妖類娥眉宛轉竟殞鮫綃香骨委塵泥渺渺姑
蘇蕪荒鹿戲

第七煞袞

王公子青春更才美風流慕連理耶溪一日悠悠回首

凝思雲鬟烟鬢玉珮霞裾依約露妍姿送目驚喜俄延
玉趾 同仙騎洞府歸去簾櫳窈窕戲魚水正一點犀
通遽別恨何已媚魄千載教人屬意況當時金殿裏

蝶戀花

歐陽永叔

面旋落花風蕩漾柳重烟深雪絮飛來往雨後輕寒猶
未放春愁酒病成惆悵 枕畔屏山圍碧浪翠袂華燈
夜夜空相向寂寞起來寒繡幌月明正在梨花上

又

永日環堤乘綵舫
烟草蕭疎恰似晴江上
水浸碧天風
皺浪菱花荇蔓隨雙槳
紅粉佳人翻麗唱
驚起鴛鴦
兩兩飛相向
且把金樽傾
美釀休思往事成惆悵

又

簾幕東風寒料峭
雪裏香梅先報春來早
紅蠟枝頭雙
燕小金刀剪彩呈纖巧
旋暖金爐薰蕙藻
酒入橫波
困不禁煩惱
綉被五更春睡好
羅幃不覺紗窗曉

又

臘雪初消梅藥綻梅雪相和喜鵲穿花轉睡起夕陽迷
醉眼新愁長向東風亂瘦覺玉肌羅帶緩紅杏梢頭
二月春猶淺望極不來鄉信斷音書縱有爭如見

又

海燕雙來歸畫棟簾影無風花影頻移動半醉騰騰春
睡重綠鬟堆枕香雲擁翠被雙盤金縷鳳憶得前春
有个人人共花裏黃鶯時一弄日斜驚起相思夢

又

簾幕風輕雙語燕
午後醒來柳絮飛
撩亂心事一春猶
未見紅英落盡青苔院
百尺朱樓閒倚遍
薄雨濃雲抵死遮人面
羌管不須吹別怨
無腸更為新聲斷

又

南雁依稀回側陣
雪霽牆陰遍
覺蘭芽嫩
中夜夢餘消
酒困鑪香卷穗燈生暈
急景流年都一瞬
往事前歡未免縈方寸
臘後花期知漸近
東風已作寒梅信

又

遙夜亭皋閒信步乍過清明漸覺傷春暮數點雨聲風
約住朦朧淡月雲來去桃李依稀香暗度誰上鞦韆
笑裏輕輕語一寸相思千萬緒人間沒个安排處

又

庭院深深知幾許楊柳堆烟簾幙無重數玉勒彫鞍遊
冶處樓高不見章臺路雨橫風狂三月暮門掩黃昏
無計留春住汨眼問花花不語亂紅飛過鞦韆去

又

六曲闌干偎碧樹楊柳風輕展盡黃金縷誰抱鈿箏移
玉柱穿簾海燕雙飛去滿眼遊絲兼落絮紅杏開時
一霎清明雨濃醉覺來鶯亂語驚殘好夢無尋處

又

越女採蓮秋水畔窄袖輕羅暗露雙金釧照影摘花花
似面芳心只共絲爭亂瀉瀉灘頭風浪晚霧重烟輕
不見來時伴隱隱歌聲歸棹遠輕愁引着江南岸

又

水浸秋天風皺浪縹緲仙舟只似秋天上和露採蓮愁
一餉看花却是啼粧樣折得蓮莖絲未放蓮斷絲牽
特地成惆悵歸棹莫隨花蕩漾江頭有個人相望

漁家傲

一派潺湲流碧漲新亭四面山相向翠竹嶺頭明月上
迷俯仰月輪正在泉中漾更待高秋天氣爽菊花香
裡開新釀酒美賓嘉真勝賞紅粉唱山深分外歌聲響
又

十月小春梅蕊綻紅爐畫閣新粧遍錦帳美人貪睡暖
羞起晚玉壺一夜冰漸滿樓上四垂簾不卷天寒山
色偏宜遠風急雁行吹字斷紅日短江天雪意雲撩亂

又

四紀才名天下重三朝建厦為梁棟定冊功成身退勇
辭榮寵歸來白首笙歌擁顧我薄才無可用君恩近
許歸田壠今日一觴難得共聊對捧宮奴為我高歌送

玉樓春

殘春一夜狂風雨，斷送紅飛花落樹。
人心花意待留春，春色無情容易去。
高樓把酒愁獨語，借問春歸何處。
所暮雲空濶，知音惟有綠楊芳草路。

又

洛陽正值芳菲節，穠艷清香相間發。
游絲有意苦相縈，垂柳無端爭贈別。
杏花紅處青山缺，山畔行人山下歇。
今宵誰肯遠相隨，惟有寂寥孤館月。

又

蝶飛芳草花飛路把酒已嗟春色暮當時枝上落殘花
今日水流何處去樓前獨遶鳴蟬樹憶把芳條吹暖
絮紅蓮綠艾亦芳菲不奈金風兼玉露

又

春山歛黛低歌扇暫解吳鉤登祖宴畫樓鍾動已魂銷
何況馬嘶芳草岸青門柳色隨人遠望欲斷時腸已
斷洛城春色待君來莫到落花飛似霰

又

風遲日媚烟光好綠樹依依芳意早年華容易即凋零
春色只宜長恨少池塘隱隱驚雷曉柳眼未開梅萼
小樽前貪愛物華新不道物新人漸老

又上林後亭

西亭飲散清歌闋花外遲遲宮漏發塗金燭引紫駟嘶
柳曲西頭歸路別佳晨只恐幽期濶密贈殷勤衣上
結翠屏魂夢莫相尋禁斷六街清夜月

又

紅條約束瓊肌穩拍碎香檀催急袞隴頭鳴咽水聲繁
葉下間關鶯語近 美人才子傳芳信明月清風傷別
恨未知何處有知音常為此情留此恨

又

檀槽碎響金絲撥露濕潯陽江上月不知商婦為誰愁
一曲行人留夜發 畫堂花月新聲別紅藥調長彈未
徹暗將深意祝膠絃唯願絲絲無斷絕

朝中措

平山欄檻倚晴空，山色有無中。
手種堂前垂柳，別來幾度春風。
文章太守，揮毫萬字，一飲千鍾。
行樂直須年，少樽前看取衰翁。

南歌子

草堂云僧仲殊作

鳳髻金泥帶，龍紋玉掌梳。
走來窻下笑相扶，愛道畫眉深淺入時無。
弄筆偎人久，描花試手初。
等閒妨了繡工夫，笑問雙鴛鴦字怎生書。

御街行

天非華艷輕非霧來夜半天明去來如春夢不多時去
似朝雲何處乳雞酒燕落星沉月魴魴城頭鼓 參差
漸辨西池樹朱閣斜欹戶綠苔深徑少人行苔上屐痕
無數遺香餘粉剩衾閒枕聊把多情賦

桃源憶故人

梅梢弄粉香猶嫩欲寄江南春信別後寸腸縈損說與
伊爭穩 小爐獨守寒灰燼忍泪無言畫盡眉上萬重
新恨竟日無人問

臨江仙 草堂

柳外輕雷池上雨。雨聲滴碎荷聲。小樓西角斷虹明。
闌干倚處，待得月華生。燕子飛來窺畫棟，玉鉤垂下簾。
旌涼波不動，簾紋平水，精雙枕旁有墮釵橫。

聖無憂

世路風波險，十年一別須臾。人生聚散常如此，相見且
歡娛。好酒能消光景，春風不染髭鬚。為公一醉花前，
倒紅袖，莫來扶。

浪淘沙

草堂

把酒祝東風且共從容垂楊紫陌洛城東總是當時攜手處遊遍芳叢聚散苦忽忽此恨無窮今年花勝去年紅可惜明年花更好知與誰同

又

花外倒金翹飲散無憀柔桑蔽日柳遮條此地年時曾一醉還是春朝今日舉輕橈帆影飄飄長亭回首短亭遙過盡長亭人更遠特地魂消

又

五嶺麥秋寒
荔子初丹絳
紗囊裏水晶丸
可惜天教生
處遠不近長安
往事憶開元
妃子偏憐一
從魂散馬
嵬關只有紅塵
無驛使滿眼驪山

又

萬恨苦綿綿
舊約前歡桃花溪畔柳陰間
幾度日高春
睡重綉戶深關
樓外夕陽閒
獨自憑闌一重水隔一
重山水濶山高人不見有泪無言

又

今日北池遊漾漾輕舟波光斂
灩柳條柔如此春來春
又去白了人頭
好妓好歌喉不醉難休
勸君滿滿酌
金甌縱使花時常病酒也是風流

定風波

把酒花前欲問佗對花何恹醉
顏酡春到幾人能爛賞
何況無情風雨等閒多
艷樹香叢都幾許朝暮惜紅
愁粉奈情何好是金船浮玉浪
相向十分深送一聲歌

又

把酒花前欲問伊，忍嫌金盞負春時。
紅日不能旬日看，宜筭須知開謝只相隨。
蝶去蝶來猶解戀，難見回頭還是度年期。
莫候飲闌花已盡，方信無人堪與補殘枝。

又

把酒花前欲問公，對花何事訴金鍾。
為問去年春甚處，虛度鶯聲撩亂一場空。
今歲春來須愛惜，難得須知花面不長紅。
待得酒醒君不見，千片不隨流水即隨風。

又

把酒花前欲問君世間何計可留春縱使青春留得住
虛語無情花對有情人任是好花須落去今古紅顏
能得幾時新暗想浮生何事好唯有清歌一曲倒金樽

又

過盡韶光不可添小樓紅日下層簷春睡覺來情緒惡
寂寞楊花撩亂拂珠簾早是閒愁依舊在無奈那堪
更被宿醒兼把酒送春惆悵甚長恁年年三月病厭厭

驀山溪

新正初破三五銀蟾滿纖手染香羅剪紅蓮滿山開遍
樓臺上下歌管咽春風駕香輪停寶馬只待金烏晚
帝城今夜羅綺誰為伴應卜子姑神問歸期相思望斷
天涯情緒對酒且開顏春宵短春寒淺莫待金盃暖

浣溪沙

燈燼垂花月似霜薄簾映月兩交光酒醺紅粉自生香
雙手舞餘拖翠袖一聲歌過釀金觴休回嬌眼斷人

腸

又

堤上遊人逐畫船
拍堤春水四垂天
綠楊樓外出鞦韆
白髮戴花君莫笑
六么催拍盞頻傳
人生何處似樽

前

又

翠袖嬌鬟舞石州
兩行紅粉一時羞
新聲難逐管絃愁
白髮主人年未老
清時賢相望偏優
一樽風月為公

留

又

湖上朱橋響畫輪
溶溶春水浸春雲
碧琉璃滑盡無塵

當路遊絲縈醉客
隔花啼鳥喚行人
日斜歸去奈何

春

又

紅粉佳人白玉杯
木蘭船穩棹歌催
綠荷風裏笑聲來
細雨輕烟籠草樹
斜橋曲水遶樓臺
夕陽高處畫屏

開

又

雲曳香綿綵柱高絳旗風颭出花梢一梭紅帶往來拋

東素美人羞不打却嫌裙慢褪纖腰日斜深院影空

搖

又

葉底青青杏子垂枝頭薄薄柳綿飛日高深院晚鶯啼

堪恨風流成薄倖斷無消息道歸期托腮無語翠眉

低

又

青杏園林煮酒香佳人初著薄羅裳柳絲搖曳燕飛忙

乍雨乍晴花自落閒愁閒悶日偏長為誰消瘦損容

光

又

十載相逢酒一卮故人纔見便開眉老來遊舊更同誰
浮世歌歡真易失宦途離合信難期樽前莫惜醉如

泥

木蘭花

西湖南北烟波濶
風裏絲篁聲韻咽
舞餘裙帶綠雙垂
酒入香腮紅一抹
杯深不覺瑠璃滑
貪看六么花十八
明朝車馬各西東
惆悵畫橋風與月

又

兩翁相遇逢佳節
正值柳綿飛似雪
便須豪飲敵青春
莫對新花羞白髮
人生聚散如弦管
老去風情尤可惜

別大家金盞倒垂簾一任西樓低曉月

又

常憶洛陽風景媚烟暖風和添酒味鶯啼宴席似留人
花出牆頭如有意別來已隔千山翠望斷危樓斜日
墜關心只為牡丹紅一片春愁來夢裏

又

燕鴻過後春歸去細算浮生千萬緒來如春夢幾多時
去似朝雲無覓處聞琴解佩神仙侶挽斷羅衣留不

住勸君莫作獨醒人
爛醉花間應有數

又

池塘水綠春微煖
記得玉真初見面
從頭歌韻響錚鏦
入破舞腰紅亂旋
玉鈎簾下香堦畔
醉後不知紅日晚
當時共我賞花人
檢點如今無一半

又

別後不知君遠近
觸目淒涼多少悶
漸行漸遠漸無書
水濶魚沉何處問
夜深風竹敲秋韻
萬葉千聲皆是

恨故歌單枕夢中尋夢又不成燈又燼

採桑子

昔者王子猷之愛竹造門不問於主人陶淵明之卧輿
遇酒便留於道上况西湖之勝槩擅東潁之佳名雖美
景良辰固多於高會而清風明月幸屬於閒人並遊或
結於良朋乘興有時而獨往鳴蛙暫聽安問屬官而屬
私曲水臨流自可一觴而一詠至歡然而會意亦傍若
於無人乃知偶來常勝於特來前言可信所有雖非於

已有其得已多因翻舊闕之辭寫以新聲之調敢陳薄伎聊佐清歡

一

輕舟短棹西湖好綠水逶迤芳草長堤隱隱笙歌處處隨
無風水面琉璃滑不覺船移微動漣漪驚起沙禽掠岸飛

二

春深雨過西湖好百卉爭妍蝶亂蜂喧晴日催花暖欲

然蘭橈畫舸悠悠去疑是神仙返照波間水濶風高
颺管絃

三

畫船載酒西湖好急管繁絃玉盞催傳穩泛平波任醉
眠行雲却在行舟下空水澄鮮俯仰流連疑是湖中
別有天

四

羣芳過後西湖好狼藉殘紅飛絮濛濛垂柳欄干盡是

風 笙歌散盡遊人去始覺春空垂下簾櫳雙燕歸來
細雨中

五

何人解賞西湖好佳景多時飛蓋相追貪向花間醉玉
卮 誰知閒凭闌干處芳草斜暉水遠烟微一點滄洲
白鷺飛

六

清明上巳西湖好滿目繁華爭道誰家綠柳朱輪走鈿

車遊人日暮相將去醒醉諠譁路轉堤斜直到城頭
總是花

七

荷花開後西湖好載酒來時不用旌旗前後紅幢綠蓋
隨畫船撐入花深處香泛金卮烟雨微微一片笙歌
醉裏歸

八

天容水色西湖好雲物俱鮮鷗鷺閒眠應慣尋常聽管

絃風清月白偏宜夜一片瓊田誰羨驂鸞人在舟中
便是仙

九

殘霞夕照西湖好花塢蘋汀十頃波平野岸無人舟自
橫西南月上浮雲散軒檻涼生蓮芰香清水面風來
酒面醒

十

平生為愛西湖好來擁朱輪富貴浮雲俯仰流年二十

春 歸來恰似遼東鶴城郭人民觸目皆新誰識當年
舊主人

十一

畫樓鐘動君休唱往事無蹤聚散忽忽今日歡娛幾客
同 去年綠鬢今年白不覺衰容明月清風把酒何人
憶謝公

歸自謠

何處笛深夜夢回情脉脉竹風簷雨寒窻隔 離人幾

歲無消息今頭白不眠特地重相憶

又

春艷艷江上晚山三四點柳絲如剪花如染
香閨寂寂門半掩愁眉斂淚珠滴破胭脂臉

長相思

蘋滿溪柳遠堤相送行人溪水西回時隴月低
烟霏霏風淒淒重倚朱門聽馬嘶寒鷗相對飛

又

深畫眉淺畫眉
蟬鬢鬢鬢雲滿衣
陽臺行雨回
巫山
高巫山低暮雨
蕭蕭郎不歸
空房獨守時

又

花似伊柳似伊
花柳青春人別離
低頭雙淚垂
長江
東長江西兩岸
鴛鴦兩處飛
相逢知幾時

又

深花枝淺花枝
深淺花枝相並時
花枝難似伊
玉如
肌柳如眉
愛著鶯黃金縷衣
啼粧更為誰

訴衷情

眉意

清晨簾幕卷輕霜呵手試梅粧都緣自有離恨故畫作
遠山長 思往事惜流芳易成傷擬歌先歛欲笑還顰
最斷人腸

踏沙行

候館梅殘溪橋柳細草薰風暖搖征轡離愁漸遠漸無
窮迢迢不斷如春水 寸寸柔腸盈盈粉淚樓高莫近
危闌倚平蕪盡處是春山行人更在春山外

望江南

江南蝶斜日一雙雙身似何郎全傅粉心如韓壽愛偷
香天賦與輕狂微雨後薄翅膩烟光纔伴遊蜂來小
院又隨飛絮過東牆長是為花忙

減字木蘭花

留春不住燕老鶯慵無覓處說似殘春一老應無却少
人風和月好辦得黃金須買笑愛惜芳時莫待無花
空折枝

生查子

去年元夜時花市燈如晝月到柳梢頭人約黃昏後
今年元夜時月與燈依舊不見去年人淚滿春衫袖

又

含羞整翠鬟得意頻相顧雁柱十三弦一一春鶯語
嬌雲容易飛夢斷知何處深院鎖黃昏陣陣芭蕉雨

瑞鷓鴣

楚王臺上一神仙眼色相看意已傳見了又休還似夢

坐來雖近遠如天
隴禽有恨猶能說
江月無情也解
圓更被春風送
惆悵落花飛絮兩翩翩

傷情遠

關河愁思望處滿
漸素秋向晚雁過南
雲行人回淚眼
雙鸞衾裯悔展夜
又永枕孤人遠
夢未成歸梅花聞
塞管

阮郎歸

東風臨水日啣山
春來長是閒
落花狼藉酒闌珊
笙歌

醉夢間 春睡覺晚粧殘無人整翠環留連光景惜朱
顏黃昏獨倚闌

又

南園春早踏青時風和聞馬嘶青梅如豆柳如眉日長
蝴蝶飛 花露重草烟低人家簾幕垂鞦韆慵困解羅
衣畫梁雙燕棲

又

角聲吹斷隴梅枝孤窻月影低塞鴻無限欲驚飛城烏

休夜啼 尋斷夢掩深閨行人去路迷門前楊柳綠陰
齊何時聞馬嘶

桂枝香

王介甫

登臨送目正故國晚秋天氣初肅千里澄江似練翠峰
如簇征帆去棹殘陽裏背西風酒旗斜矗綠舟雲淡星
河鷺起畫圖難足念往昔繁華競逐歎門外樓頭悲
恨相續千古憑高對此謾嗟榮辱六朝舊事隨流水但
寒烟芳草凝綠至今商女時時猶唱後庭遺曲

菩薩蠻

數家茆屋間臨水，輕衫短帽垂楊裏。今日是何朝，看予
度石橋。梢梢新月偃，午醉醒來晚。何物最關情，黃鸝
一兩聲。

漁家傲

燈火已收正月半，山南山北花撩亂。聞說游亭新水漫。
騎款段，穿雲入塢尋幽伴。却拂僧牀褰素幔，千巖萬
壑春風滿。一弄松聲悲急管，驚夢斷。西窗看月猶嫌短。

又

平岸小橋千嶂抱
柔藍一水縈
花草茆屋數間
窻窈窕
塵不到時時自有春風掃
午枕覺來聞語鳥
欹眠似聽朝雞早
忽憶故人今總老
貪夢好茫然忘了邯鄲道

雨霖鈴

孜孜矻矻向無明
裏強作窠窟
浮名浮利何濟堪留戀
處輪迴倉卒幸有明空妙覺
可彈指超出緣底事
拋了金潮認一浮漚作瀛渤
本源自性天真佛
祗些些妄

想中埋沒貪他眼花陽艷誰信他本來無物一旦茫然
終被閹羅老子相屈便縱有千種機籌怎免伊唐突

清平樂

雲垂平野掩映竹籬茆舍閒寂幽居實滿洒是處綠嬌
紅冶 丈夫運用堂堂且莫五角六張若有一卮芳酒
逍遙自在無妨

浣溪沙

百畝庭中半是苔門前百道水縈迴愛閒能有幾人來

小院回廊春寂寂
山桃溪杏三兩栽
為誰零落為誰開

訴衷情

和俞秀老鶴詞

常時黃色見睂間
松桂我同攀
每言天上辛苦不肯餌
金丹
憐水靜愛雲閒
便忘還
高歌一曲巖谷迤邐宛
似商山

又

莫言普化祇顛狂
真解作津梁
藹然打箇筋斗直跳過

義皇 臨濟處德山行果承當將他建立認作心誠也
是尋香

南鄉子

嗟見世間人但有纖毫即是塵不住舊時無相兒沉淪
祇為從來認識神 作麼有疎親我自降魔轉法輪不
是攝心除妄想求真行化空身即法身

又

自古帝王州鬱鬱葱葱佳氣浮四百年來如一夢堪愁

晉代衣冠成古丘 繞水恣行遊上盡層城更上樓往
事悠悠君莫問回頭檻外長江空自流

浪淘沙

伊呂兩衰翁歷遍窮通一為釣叟一耕傭若使當時身
不過老了英雄 湯武偶相逢風虎雲龍興王祇在笑
談中直至如今千載後誰與爭功

甘露歌

折得一枝香在手人間應未有疑是經春雪未消今日

是何朝盡日含毫難比興都無色可並萬里晴天何處
來真是屑瓊瑰天寒日暮山谷裏的礫愁成水池上漸
多枝上稀惟有故人知

永遇樂

東皋寓居

晁無咎

松菊堂深芟荷池小長夏清暑燕引雛還鳩呼婦往人
靜郊原趣麥天已過薄衣輕扇試起遶園徐步聽衡宇
欣欣童稚共說夜來初雨 蒼苔徑裏紫葳枝上

一云
蒼管

徑外凌
霄枝上

數點幽花垂露

一云數
朵丹花

東里催鋤西鄰助餉相

戒清晨去斜川歸興翛然滿目回首帝鄉何處只愁恐
輕鞍犯夜霸陵舊路

江神子

集句惜春

雙鴛池沼水融融桂堂東又春風今日看花花勝去年
紅把酒問花花不語攜手處遍芳叢留春且住莫忽
忽秉金籠夜寒濃沉醉插花走馬月明中待得醒時君
不見不隨水即隨風

鹽角兒

亳社觀梅

開時似雪謝時似雪花中奇絕香非在藥香非在萼骨
中香徹 占溪風留溪月堪羞損山桃如血直饒更踈
踈淡淡終有一般情別

千秋歲

次韻弔高郵秦少游

江頭苑外常記同朝退飛騎軋鳴珂碎齊謳雲遶扇趙
舞風迴帶嚴鼓斷杯盤藉草猶相對 洒涕誰能會醉
卧藤陰益人已去祠空在兔園高宴悄虎觀英游改重
感慨驚濤自卷珠沉海

憶少年 別歷下

無窮官柳

一云烟水

無情畫舸無根行客南山尚相送只高

城人隔 罨畫園林溪紺碧筭重來盡成陳迹劉郎鬢
如此況桃花顏色

臨江仙

身外閒愁空滿眼就中歡事常稀明年應賦送君詩試
從今夜數相會幾多時 淺酒欲邀誰共勸深情惟有
君知東溪春近好同歸柳垂江上影梅謝雪中枝

水龍吟

別吳興至松江作

水晶宮繞千家下山倒影雙溪裏白蘋洲渚詩成春曉
當年此地行遍瑤臺弄英携手月嬋娟際筭多情小杜
風流未覩空腸斷枝間子一似君恩賜與賀家湖千
峰凝翠黃粱未熟紅旌已遠南柯舊事常恐重來夜闌
相對也疑非是向松陵回首平蕪盡處在青山外

行香子

夏日即事

前歲栽桃今歲成蹊更黃鸝久住相知微行清露細履

斜暉對林中侶閒中我醉中誰 何妨到老常閒常醉
任功名生事俱非衰顏難強拙語多遲但酒同行月同
坐影同嬉

摸魚兒

買陂塘旋栽楊柳依稀淮岸江浦東皋新雨輕痕漲沙
觜鷺來鷗聚堪愛處最好是一川夜月光流注無人獨
舞任翠幄張天柔茵席地酒盡未歸去 青綾被休憶
金閨故步儒冠曾把身悞弓刀千騎成何事荒了邵平

瓜圃君試覷滿青鏡星星鬢影今如許功名渾浪語便似得班超封侯萬里歸計恐遲暮

尉遲杯

去年時正愁絕過却紅杏飛沉吟杏子青時追悔負好花枝今年又春到傍小欄日日數花期人有信花却無憑故教春意遲遲及至待得融怡未攀條枯蘂已歎春歸怎得春如天不老更教花與月相隨儘歸路拍手攔街笑人沉醉如泥

鳳凰臺上憶吹簫

千里相思况無百里何妨暮往朝還又正是梅初淡泞
鶯未綿蠻陌上相逢緩轡風細細雲日班班新晴好得
意未妨行盡春山應携後房小妓來為我盈盈對舞
花間便拚却松醪翠滿蜜炬紅殘須信征鞍射虎清世
裏曾有人閒都休說簾外夜久春寒

紫玉簫

過堯氏金部四叔位見韓相家姬輕盈所
留題

羅綺叢中笙歌筵裏眼狂初認輕盈無花解比似一鉤

新月雲際初生筭不虛得都占與第一佳名輕歸去那
知有人別後牽情 襄王自是春夢休謾說東牆事更
難憑誰教慕宋要題詩曾倚寶柱低聲似瑤臺曉空暗
想衆裏飛瓊餘香冷猶在小窻一到魂驚

水龍吟

惜春

問春何苦忽忽帶風伴雨如馳驟幽葩細萼小園低檻
壅培未就吹盡繁紅占春長久不如垂柳筭春長不老
人愁春老愁只是人間有 春恨十常八九忍輕辜芳

老上
醪經口那知自是桃花結子不因春瘦世上功名老來
風味春歸時候最多情猶有樽前青眼相逢依舊

望海潮

揚州芍藥會

人間花老天涯春去揚州別有風光紅藥萬株佳名千
種天嬌浩態真香尊貴御衣黃未便教西洛獨占花王
困倚闌干漢宮誰敢妬新粧年年高會維揚看家誇
絕艷人詫奇芳結藥當屏聯葩就幄紅遮綠遶華堂花
面映交相更秉燭觀時幽意難忘罷酒風亭夢魂驚恐

在仙鄉

八聲甘州

追和東坡錢塘作

謂東坡未老賦歸來天未遣公歸向西湖兩處秋波一
種飛靄澄暉又擁竹西歌吹僧老木蘭非一笑千秋事
浮世危機莫倚平山欄檻是醉翁飲處江雨霏霏送
孤鴻揮手相接眼中稀念平生相從江海任飄蓬不遣
此心違登臨事更何須惜吹帽淋衣

又

謂東風定是海東來海上最春先乍微陽破臘梅心已
省柳意都還雪後南山聳翠平野欲生烟記得相逢日
如上林邊 莫歎春光易老筭今年春老還有明年歎
人生難得長好是朱顏有隨軒金釵十二為醉嬌一曲
踏珠筵功名事筭何如此花下樽前

滿江紅 赴玉山之謫與諸公泛舟大澤分題為別

莫話江南船頭轉三千餘里未歎此浮生飄蕩但傷佳
會滿眼青山芳草外半篙碧水斜陽裏問此中何處艾

荷深漁人指 清時事霸遊意盡付與狂歌醉有多才
南阮自為知己不似朱公江海去未成陶令田園計便
楚鄉風物勝吾鄉何人對

又 次韻李待制因弔之

華鬢春風長歌罷傷今感昨春正好瑤墀已歎侍臣冥
寞牙帳塵昏餘劒戟翠幃月冷虛弦索記往時龍坂誤
曾登今飄泊 賢人命從來薄流年竟付誰託繞南枝
自似未眠飛鵲射虎山邊追舊迹騎鯨海上尋前約便

江湖與世永相忘還堪樂

惜分飛

湖州作

山水光中原無暑是我銷魂別處只有多情雨會人深
意留人住不及梅花來已暮未見荷花又去圖畫他
年覩斷腸千古苕溪路

又

消暑樓前雙溪市盡住水晶宮裏人共荷花麗更無一
點塵埃氣誰遣使君怱怱至又作怱怱去計莫放檣

竿起大家都把羅巾繫

臨江仙

和韓求仁南都送別

曾唱牡丹留客飲明年何處相逢忽驚鵲起落梧桐綠
荷應恨回首背西風莫歎今宵身是客一樽未曉猶
同此身應似去來鴻江湖歸夢依約櫓聲中

又

十歲兒童同硯席華裾織翠如葱一生心事醉吟中相
逢俱白首無語對西風莫道樽前凋減衰顏得酒能

紅可憐此會意無窮夜闌人總睡獨遶菊花叢

浣溪沙

廣陵被召留別

悵飲都門春浪驚東飛身與白鷗輕淮山一點眼初明
誰使夢回蘭芷國却將春去鳳凰城檣烏風轉不勝
情

木蘭花

小樓新建堪臨遠一帶寒山都入眼人間應未覺春歸
樓上已先驚柳變風威自與微陽戰雪意不遮殘臘

換少須文棟燕雙回來看東城花一片

行香子

梅

雪裏清香月下踈枝更無花堪比瓊姿一年一見千繞
千迴向未開時愁花謝恐花飛芳樽移就幽葩折取
似玉人攜手同歸揚州應記東閣逢時恨劉郎誤題詩
句怨桃溪

洞仙歌

賞海棠

群芳老盡是海棠時候雨過寒輕好晴晝最天嬌一樹

全是初開雲鬢小塗粉施朱未就 全開還自好駘蕩
春餘百樣宮羅鬪繁繡縱無語也心應恨我來遲恰柳
絮將春歸後醉猶倚柔柯怯黃昏這一點愁須共花同
瘦

又

年年青眼為江梅腸斷一句新詩思無限向碧瓊枝上
白玉葩中春猶淺一點龍香清遠 誰拋傾國艷昨夜
前村却恐東皇未曾見正紅杏倚雲時自覺消香驚何

許飄零千片待冰雪叢中看
竒姿解一笑春妍盡回仙
苑

又 泗州中秋作此絕筆之詞也

青烟幕處碧海飛金鏡
永夜閒階卧桂影露涼時零亂
多少寒蟬神京遠惟有藍橋路近
水晶簾不下雲母
幌開冷浸佳人淡脂粉待都將
許多明付與金樽投曉
共流霞傾盡更携取胡牀上南樓
看玉做人間素秋千
頃

洞仙歌

李元膺

廉纖細雨殢東風如困縈斷千絲為誰恨向楚宮一夢
千古悲涼無處問愁到而今未盡分明都是淚泣柳
沾花常與騷人伴孤悶記當年得意處酒力方融怯輕
寒玉爐香潤又豈識情懷苦難禁對點滴簷聲夜寒燈
暈

又一年春物惟梅柳間意味最深至鶯花爛漫時
則春已衰遲使人無復新意予作洞仙歌使探
春者歌之無
後時之悔

雪雲散盡放曉晴池院楊柳於人便青眼更風流多處
一點梅心相映遠約略嚙輕笑淺一年春好處不在
濃芳小艷疎香最嬌軟到清明時候百紫千紅花正亂
已失春風一半蚤占取韶光共遊玩但莫管春寒醉紅
自暖

驀山溪 送蔡之長

溪堂歡燕慣捧玻璃醖今日祖西城更忍把一盃重勸
別離情味自古不堪秋催淚雨濕西風腸共危弦斷

夕陽去路五馬旌旗亂便是古都春應醉戀曲江池館
須知別後疊翠

汶上樓名

倚闌情青嶂晚碧雲深日近長安

遠

鷓鴣天

寂寞鞦韆兩綉旗日長花影轉堦遲燕驚午夢週遮語
蝶困春遊落拓飛思往事入顰眉柳梢陰重又當時
薄情風絮難拘束飛過東牆不肯歸

菩薩蠻

綵旗畫柱清明後
花前姊妹爭攜手
先緊繡羅裙輕衫
束領巾
項繩金釧響漸出
花梢上笑裏問高低
盤雲
單玉螭

一落索

天上粉雲如掃
放小樓清曉
古今何處想風流
最瀟灑
龍山帽
人似年華易老
且芳樽頻倒
西風於我更多
情露金罍籬邊笑

浣溪沙

詠掠髮

乞與安仁掠鬢霜不須紅線小機窻剪刀疎下蜀羅長
纖手捻殘針縷細金釵翻過齒痕香同心小綰寄思
量

又

欲散蘭堂月未中驂騑嬌簇絳紗籠玳簪促坐客從容
已醉人間千日酒賜來天上密雲龍蓬山清興欲乘
風

天仙子

張子野

水調數聲持酒聽午醉醒來愁未醒送春春去幾時迴
臨晚鏡傷流景往事後期空記省沙上並禽池上暝
雲破月來花弄影重重翠幙密遮燈風不定人初靜明
日落紅應滿徑

又

醉笑相逢能幾度為報江頭春且住主人今日是行人
紅袖舞清歌女憑仗東風交點取三月柳枝柔似縷
落絮倦飛還戀樹有情寧不憶西園鶯解語花無數應

訝使君何處去

南鄉子

潮上水清渾
棹影輕於水底雲
去意徘徊無奈淚衣巾
猶有當時粉黛痕
海近古城昏
暮角寒沙雁隊分
今夜相思應看月
無人露冷衣前獨掩門

清平樂

清歌逐酒醉
臉鮮霞透櫻小
杏青寒食後
衣換縷金輕
綉畫堂新月
朱扉嚴城夜
鼓歸遲細看玉人粧面春

工不在花枝

燕春臺

麗日千門紫烟雙闕瓊林又報春迴殿閣風微當時去
燕還來五侯池館屏開探芳菲走馬天街重簾人語
麟車憶遠近輕雷 雕觴霞灩翠幕雲飛楚腰舞柳宮
面粧梅金猊夜煖羅衣暗裏香煤洞府人歸放笙歌燈
火樓臺下蓬萊猶有花上月清影徘徊

減字木蘭花

垂螺近額走上紅裙初起拍只恐輕飛擬倩游絲惹住
衣文鴛繡履去似流風塵不起舞徹伊州頭上花枝
顫未休

好事近

燈燭上山堂香霧煖生寒夕前夜雪清梅瘦已不禁輕
摘雙杯未徹寶杯空粧光艷瑤席好趁笑聲歸去有
隨人月色

醉落魄

雲輕柳弱內家髻子新梳掠生香真色人難學橫管孤
吹月淡天垂幙朱唇淺破櫻桃萼倚樓誰在闌干角
夜寒指冷羅衣薄聲入霜林蔌蔌驚梅落

千秋歲


幾聲鶗鴂又報芳菲歇惜春更選殘紅折雨輕風色暴
梅子青時節永豐柳無人盡日花飛雪莫把么弦撥
怨極弦能說天不老情難絕心似雙絲網中有千千結
夜過也東窻未白孤燈滅

浣溪沙

樓倚春江百尺高，烟中還未見歸橈。
幾時期信似江潮。
花片片飛風弄蝶，柳陰陰下水平橋。
日長才過又今宵。

又

輕屨來時不破塵，石榴花映石榴裙。
有情應解憶青春。
夜短更難留遠夢，日高何計學行雲。
樹深鶯過靜無人。



樂府雅詞卷上